

S-DU PAO-LO SIA PEH FI-LIH-PI NYING GO SHŪ-SING. 使徒保羅寫撥腓立比人個書信

Fl. I.

YLÆ-SU Kyi-toh-go nu-boh, Pao-lo teng Di-mo-t'a, *mông-mông* Fi-lih-pi dzæ-ü Kyi-toh Yiæ-su go cong sing-du, lin keh-sing kyin-toh teng bæen-z-go: ² Dæn-nyün Jing-ming ah-lah T'in-Vu, teng Cü Yiæ-su Kyi-toh, s-lôh eng-we bing-en peh ng-lah.

耶穌基督個奴僕，保羅等提摩太，望望腓立比在於基督耶穌個衆聖徒，連箇星監督等辦事個。² 但願神明阿拉天父，等主耶穌基督，賜落恩惠平安撥爾拉。

³ NGÔ me-me ts'eng-tao ng-lah ziu zia-zia ngô-go *Jing-ming*, ⁴ me-djông tao-kao z-'eo hwun-hwun-hyi-hyi t'i ng-lah cong-nying gyiu-gyiu, ⁵ we-leh ng-lah dzong deo-ih-nyih ih-dzih tao næn-kæn teng djün foh-ing z-ken dô-kô yiu-veng: ⁶ ing-we ngô k'ao-jih siang-sing, keh-we læ ng-lah sing li-hyang yiu ih-ying hao z-ken tso ky'i-deo go Cü-kwu ih-dzih tao Yiæ-su Kyi-toh-go nyih-ts pih-ding we dzing-kong. ⁷ Ngô yia ing-kæ we-leh ng-lah cong-nying ka ts'eng; ing-we ^[1]ngô ts'ih-ts'ih-dzæ-sing kyih-teh ng-lah, feh-leng ngô be lin-diao so-djü, feh-leng ngô bin-leng k'ao-jih foh-ing, ^[2]tu z teng ngô dong hyang keh-go eng-we. ⁸ Jing-ming hao teng ngô tso te-tsing, ngô dzæ-ü Yiæ-su Kyi-toh-go sing-dziang dza læ-tih ky'i-mo ng-lah cong-nying.

³ 我每每忖到爾拉就謝謝我個神明，⁴ 每常禱告時候歡歡喜喜替爾拉衆人求，⁵ 爲了爾拉從頭一日一直到難問等傳福音事幹大家有份。⁶ 因爲我靠實相信，箇位來爾拉心裏向有一樣好事幹做起頭個主顧一直到耶穌基督個日子必定會成功。⁷ 我也應該爲了爾拉衆人介忖；因爲我切切在心記得爾拉^[1]，弗論我被鏈條鎖住，弗論我辯論靠實福音，都是等我同享箇個恩惠^[2]。⁸ 神明好等我做對證，我在於耶穌基督個心腸咋來的企慕爾拉衆人。

[1] *Yiu-teh fæn*, ng-lah ts'ih-ts'ih-dzæ-sing kyih-teh ngô. 有得翻，爾拉切切在心記得我。（原註）

[2] *'Ôh wô*, tu z dong hyang ngô-go eng-we. 或話，都是同享我個恩惠。（原註）

⁹ Ngô sô gyiu *Jing-ming*, z iao ng-lah-go jing-æ yüih-fah to-ky'i-læ, yiu ts'ong-ming-cü-we teng ih-ts'ih-go kyin-sih; ¹⁰ s-teh ng-lah we ^[1]bin-pih hao-tæ, yi we tso-nying ts'ing-kyih m-kwæn-ngæ ih-dzih tao Kyi-toh-go nyih-ts; ¹¹ yiu keh-sing k'ao-djôh Yiæ-su Kyi-toh ka læ kong-yi-go ko-ts we kyih-leh meo-zing, hao kwe yüong-wô tsæn-me peh Jing-ming.

⁹ 我所求神明，是要爾拉個仁愛越發多起來，有聰明智慧等一切個見識；¹⁰ 使得爾拉會辨別好歹^[1]，又會做人清潔無關礙一直到基督個日子；¹¹ 有箇星靠着耶穌基督介來公義個果子會結勒茂盛，好歸榮華讚美撥神明。

[1] *Yiu-teh fæn*, we ts'ing-tsæn hao z-ken. 有得翻，會稱讚好事幹。（原註）

¹² HYÜONG-DI, ngô iao ng-lah hyiao-teh ngô sô p'ong-djôh-go z-ken fæn-cün s-teh foh-ing we yü-kô hying-wông: ¹³ z-ka, ^[1]ngô-go lin-diao dzæ-ü Kyi-toh yi-kying ming-ming hyin-c'ih peh mun ^[2]dziao-ding-zông teng yü-to-go cong-nying tu teh-cü; ¹⁴ wa-yiu keh-sing hyüong-di yiu ih-do-pun, we-leh ngô-go lin-diao dzæ-ü Cü sing-li kyin-kwu, we yü-kô fông-tæn kông dao-li, ih-ngæn feh p'ô.

¹² 兄弟，我要爾拉曉得我所碰着個事幹反轉使得福音會愈加興旺。¹³ 是介，我個鏈條在於基督^[1]已經明明顯出撥滿朝廷上^[2]等餘多個衆人都得知；¹⁴ 還有箇星兄弟有一大半，爲了我個鏈條在於主心裏堅固，會愈加放膽講道理，一眼弗怕。

[1] 'Ôh wô, ngô we-leh Kyi-toh so-djü-tong. 或話，我爲了基督鎖住東。（原註）

[2] 'Ôh wô, tsiang-kyüing-go kong-kwun-li. 或話，將軍個公館裏。（原註）

¹⁵ Næn-kæn djün Kyi-toh, yiu-sing z yiu ky'i-feh-ko tsang-teo-go sing, yiu-sing z yiu hao i-s *djün-go*. ¹⁶ Keh-sing kæn-kyi-go djün Kyi-toh, feh-z yiu ts'ing-kyih-go i-s, z iao kô-ts'eo ngô so-tong-go kw'u-næn: ¹⁷ keh-sing yiu jing-æ go, z hyiao-teh ngô we-leh bin-leng foh-ing shih-lih-tong. ¹⁸ Keh z dza ni? feh-leng dza-go, wa-z tsing-sing kô-sing, z yiu Kyi-toh djün-k'æ; keh z ngô hwun-hyi, yia cong-ü hwun-hyi-go. ¹⁹ Ng yia hyiao-teh, we-leh ng-lah-go tao-kao, teng Yiæ-su Kyi-toh-go *Sing-Ling* pông-dzu ngô, keh-go z-ken tsiang-læ ü ngô yiu kyi-sing; ²⁰ tsiao ngô ken-sing sô ky'i-mo sô siang-vông-go, ziu-z ngô ih-ngæn feh we wông-k'ong, fæn-cün tsah-tsah-ngang-ngang, feh-leng weh, feh-leng si, Kyi-toh læ ngô-go sing-zông dzing-gyiu tsiao-djông we teh-djôh tseng-kying.

¹⁵ 難間傳基督，有星是有氣弗過爭鬥個心，有星是有好意思傳個。¹⁶ 箇星奸計個傳基督，弗是有清潔個意思，是要加湊我鎖東個苦難。¹⁷ 箇星有仁愛個，是曉得我爲了辯論福音設立東。¹⁸ 箇是咋呢？弗論咋個，還是真心假心，

是有基督傳開；箇是我歡喜，也終於歡喜個。¹⁹ 爾也曉得，爲了爾拉個禱告，等耶穌基督個聖靈幫助我，箇個事幹將來於我有救星；²⁰ 照我甘心所企慕所期望個，就是我一眼弗會惶恐，反轉扎扎硬硬，弗論活，弗論死，基督來我個身上仍舊照常會得着尊敬。

²¹ Kông-tao ngô-zi, weh ziu-z Kyi-toh, si z-go hao-c'ü. ²² Ziah-z læ nyüoh-sing li-hyang weh-tong ngô kong-fu yiu dao-dzing, ka-ni ngô feh hyiao-teh hao kæn 'ah-li ih-yiang. ²³ Ngô sing-kwô-liang-dziang, sing-siang iao ky'ü-shü, hao teng Kyi-toh dô-kô læ-kæn; *keh z veng-nga yü-kô hao*: ²⁴ dæn-z ngô læ nyüoh-sing li-hyang læ-tong, ü ng-lah z keng-kô iao-kying. ²⁵ Keh kyi-jün z ngô toh-jih siang-sing-go, ngô hyiao-teh tsong we læ-tong, teng ng-lah cong-nying dô-kô læ-tong, hao peh ng-lah siang-sing-go sing we yü-kô tsing-ih, kô-ts'eo kw'a-lôh; ²⁶ s-teh ngô tsæ tao ng-go u-sen læ, ng-lah we-leh ngô hao dzæ-ü Kyi-toh Yiæ-su yüih-fah kao-hying-ky'i-læ.

²¹ 講到我自，活就是基督，死是個好處。²² 若是來肉身裏向活東我工夫有陶成，介呢我弗曉得好揀何裏一樣。²³ 我心掛兩腸，心想要去世，好等基督大家來問；箇是分外愈加好。²⁴ 但是我來肉身裏向來東，於爾拉是更加要緊。²⁵ 箇既然是我篤實相信個，我曉得總會來東，等爾拉衆人大家來東，好撥爾拉相信個心會愈加進益，加湊快樂；²⁶ 使得我再到爾個烏碎來，爾拉爲了我好在於基督耶穌越發高興起來。

²⁷ Tsih iao ng-lah tso-nying-go 'ang-we teng Kyi-toh-go foh-ing siang-p'e: s-teh ngô, 'ôh-tsia læ k'en ng-lah, 'ôh-tsia læ bih-c'ü t'ing-meng ng-lah-go fong-sing, z yiu tso-yiang sing-siang lih-leh-lao, we-leh sô siang-sing-go foh-ing dong-sing-yiah-lih tso z-ken, ²⁸ ih-ngæn m-neh we-leh keh-sing dziu-dih *sing-li* ky'ih-hoh: keh z gyi-lah iao mih-vông, ng-lah iao teh-kyiu, ming-tông-tông-go bing-kyü; keh-go *bing-kyü* yia z c'ih-ü Jing-ming. ²⁹ Ing-we ng-lah yi-kying yiu keh-go eng-we teh-djôh-de, hao we-leh Kyi-toh feh tæen-tsih siang-sing Gyi, yia hao we-leh Gyi — ziu næn: ³⁰ z-ka, ng-lah *næn-kæn* yia læ-kæn tang ih-dzing, ziang ng *dzong-zin* k'en-kyin ngô, yin-dzæ t'ing-meng ngô ih-yiang-go.

²⁷ 只要爾拉做人個行爲等基督個福音相配。使得我，或者來看爾拉，或者來別處聽聞爾拉個風聲，是有做樣心想立勒牢，爲了所相信個福音同心協力做事幹，²⁸ 一眼嚙得爲了箇星仇敵心裏喫惟。箇是其拉要滅亡，爾拉要得救，明當當個憑據；箇個憑據也是出於神明。²⁹ 因爲爾拉已經有箇個恩惠得着了，好爲了基督弗單只相信其，也好爲了其——受難。³⁰ 是介，爾拉難間也來間打一陣，像爾從前看見我，現在聽聞我一樣個。

Fl. II.

KA-NI, ziah yiu soh-go dzæ-ü Kyi-toh go ky'ün-hwô shih-wô, soh-go jing-æ-go en-ŵe, soh-go *Sing-Ling-go* siang-t'ong, soh-go dz-pe æ-lin-go sing-dziang, ² ng-lah hao dzeng tso-yiang sing-siang, tso-yiang jing-æ, dô-kô 'eh-sing-'eh-i, s-teh ngô-go kw'a-lôh hao mun-tsoh. ³ Ih-ngæn m-nao dzeng tsang-teo-go sing, ih-ngæn m-nao siang hyü-hwô-go yüong-wô; z iao ti-sing-siao-i t'e-tseng bih-nying pi zi wa hao. ⁴ M-nao kôh-nying kwun zi, kôh-nying yia iao *kwu-djôh* nying-kô-go z-ken.

介呢，若有啥個在於基督個勸化說話，啥個仁愛個安慰，啥個聖靈個相通，啥個慈悲哀憐個心腸，² 爾拉好存做樣心想，做樣仁愛，大家合心合意，使得我個快樂好滿足。³ 一眼嚟得好存爭鬥個心，一眼嚟得好想虛花個榮華；是要低聲小意推尊別人比自還好。⁴ 嚟得好各人管自，各人也要顧着人家個事幹。

⁵ Ng-lah sing-li iao dzeng Kyi-toh Yiæ-su-go sing-siang: ⁶ Gyi peng-læ yiu Jing-ming-go siang-mao, ziu-z iao teng Jing-ming ih-yiang-go Gyi yia feh sön z mao-c'ong; ⁷ Gyi wa we ky'i-diao Zi-go yüong-wô, dzing-leh nu-boh-go siang-mao [1]læ tso-nying: ⁸ kyi-jün yiu-leh nying-go siang-mao, yi we kông-lôh-ky'i, pah-i-pah-jing zing-ts-ü si, ping-ts'ia jih-z-kô-zông ka si. ⁹ Sô-yi Jing-ming kao-kao kyü Gyi zông, s-peh Gyi ih-go ming-deo wa tseng-jü væn-pah-go ming-deo: ¹⁰ s-teh læ t'in-zông di-'ô lin di-ti-'ô go, væn-pah kyiah-k'o-deo tu we dzæ-ü Yiæ-su-go ming-deo ka gyü-lôh, ¹¹ væn-pah zih-deo tu we tsiao-jing Yiæ-su Kyi-toh z Cü, [K'en Y. 45. 23.] hao kwe yüong-wô peh T'in-Vu Jing-ming.

⁵ 爾拉心裏要存基督耶穌個心想。⁶ 其本來有神明個相貌，就是要等神明一樣個其也弗算是冒充；⁷ 其還會棄掉自個榮華，成了奴僕個相貌來做人^[1]。⁸ 既然有了人個相貌，又會降落去，百依百順甚至於死，並且十字架上介死。⁹ 所以神明高高舉其上，賜撥其一個名頭還尊如凡百個名頭。¹⁰ 使得來天上地下連地底下個，凡百腳髑頭都會在於耶穌個名頭介跪落，¹¹ 凡百舌頭都會招認耶穌基督是主，[看 Y. 45. 23.] 好歸榮華撥天父神明。

[1] *Peng-veng*, dzing-leh nying-go siang-mao. 本文，成了人個相貌。（原註）

¹² Ka-ni, ngô ts'ing-æ-go hyüong-di, ng-lah kyi-jün we djông-djông i-dzong ngô, (fi-dæn ngô læ-tong z-'eo, ziu-z yin-dzæ ngô feh læ-tong yia yü-kô we i-dzong,) iao dzeng kying-jing teng p'ô-gyü-go sing ky'i tso-dzing ng-go kyi-fah: ¹³ ing-we ng-lah 'ôh-tsia iao-siang tso, 'ôh-tsia neng-keo tso, tu z Jing-ming læ ng-lah sing li-hyang hyin-c'ih neng-ken, iao dzing-dziu Gyi sô hwun-hyi-go ts-i. ¹⁴ Ng-lah

tso væn-pah z-ken m-nao ün-'eng, m-nao tsang-leng: 15, ¹⁶ s-teh ng-lah læ wǎng-pang-hyüing-liu-go shü-dæ cong-nyiang hao tso ^[1]lao-jih, m-mao-bing, Jing-ming m-p'i-bing-go ng-nô; ng-lah hyin-c'ih weh-ming-go dao-li, ziang shü-kæn-zông liang-kwông ka ^[2]læ-tih tsiao-djôh gyi-lah: s-teh ngô tao Kyi-toh-go nyih-ts hao kao-hying, ing-we ngô m̃-teh tseo k'ong-deo lu, m̃-teh tso k'ong-deo kong-fu.

¹² 介呢，我親愛個兄弟，爾拉既然會常常依從我，（非但我來東時候，就是現在我弗來東也愈加會依從，）要存謹慎等怕懼個心去做成爾個救法。¹³ 因為爾拉或者要想做，或者能夠做，都是神明來爾拉心裏向顯出能幹，要成就其所歡喜個旨意。¹⁴ 爾拉做凡百事幹嘸得好怨恨，嘸得好爭論。15, ¹⁶ 使得爾拉來橫綱助流個世代中央好做老實^[1]，嘸毛病，神明嘸批評個兒囡；爾拉顯出活命個道理，像世間上亮光介來的照着^[2]其拉。使得我到基督個日子好高興，因為我嘸得走空頭路，嘸得做空頭工夫。

[1] 'Ôh wô, ts'ing-kyih. 或話，清潔。（原註）

[2] 'Ôh wô, yüong tsiao-djôh. 或話，用照着。（原註）

¹⁷ Ng-lah siang-sing-go sing tông tsi-veh vong-z *Jing-ming*, ngô-go hyüih ziu-z iao *liu-c'ih-læ*, ziang din-tsiu ka, kwun læ gyi zông-deo, ngô z hwun-hyi, yia teng ng-lah cong-nying dô-kô hwun-hyi. ¹⁸ *We-leh* keh-go z-ken ng-lah yia kæ hwun-hyi, yia kæ teng ngô dô-kô hwun-hyi.

¹⁷ 爾拉相信個心當祭物奉侍神明，我個血就是要流出來，像奠酒介，灌來其上頭，我是歡喜，也等爾拉衆人大家歡喜。¹⁸ 爲了箇個事幹爾拉也該歡喜，也該等我大家歡喜。

¹⁹ DÆN-Z ngô dzæ-ü Cü Yiæ-su siang-vông soh-tsih ziu ts'a Di-mo-t'a tao ng-lah u-sen læ, s-teh ngô teh-cü ng-lah-go z-ken hao kw'un-sing. ²⁰ *Djü gyi ts-nga* ngô m̃-teh bih-nying *teng* ngô tso sing-siang, we tsing-sing kwô-nyiaen ng-lah-go z-ken: ²¹ tu z læ-tih tang-sön zi-go z-ken, feh *kwun* Kyi-toh Yiæ-su-go z-ken. ²² Ng-lah hyiao-teh gyi z s-c'ih-liao-go, z ziang ng-ts teng ah-tia ka, tso ngô-go dong-z-nying dô-kô djün foh-ing. ²³ Keh-lah ngô teh-cü zi-go z-ken z dza-go, sing-siang lih-k'eh ts'a gyi læ. ³⁴ Ping-ts'ia ngô dzæ-ü Cü jih-we siang-sing ngô-zi yia ziu læ-gyi.

¹⁹ 但是我在於主耶穌想望速即就差提摩太到爾拉烏碎來，使得我得知爾拉個事幹好寬心。²⁰ 除其之外我嘸得別人等我做心想，會真心掛念爾拉個事幹。²¹ 都是來的打算自個事幹，弗管基督耶穌個事幹。²² 爾拉曉得其是試出了個，是像兒子等阿爹介，做我個同事人大家傳福音。²³ 箇拉我得知自個事幹是咋個，心想立刻差其來。²⁴ 並且我在於主實惠相信我自也就來其。

²⁵ Ngô ts'eng pih iao ts'a Yi-pô-feh-di tao ng-lah u-sen læ: gyi z ngô-go hyüong-di, ngô-go pông-siu, dong-de tông-ping, yia tso ng-lah-go ts'a-s, yi kong-ing ngô ky'üih-siao-dziang-tön. ²⁶ Ngô sô-yi z-ka ts'a gyi, ing-we gyi z ky'i-mo ng-lah cong-nying, do-nyiang zeo-meng, ing-we ng-lah t'ing-meng gyi yiu bing. ²⁷ Gyi z sang bing, ts'ô-ih-ngæn si: tsih-yiu Jing-ming æ-lin gyi; feh tæ-n-tsih æ-lin gyi, yia æ-lin ngô, sæn-leh ngô iu-zông kô iu. ¹⁸ Ngô sô-yi yü-kô zông-kying ts'a gyi læ, s-teh ng-lah k'en-kyin gyi yi we hwun-hyi, ngô-go iu-meng yia we ts'ô-tin. ²⁹ Ka-ni, ng-lah dzæ-ü Cü kæ hwun-hwun-hyi-hyi tsih-ziu gyi; ping-ts'ia yüong kying-djong keh-cong-ka nying: ³⁰ gyi we-leh tso Kyi-toh-go z-ken z ts'ô-ih-ngæn si, lin zi-go sing-ming tu feh kwu-djôh, iao pu-tsoh ng-lah kong-ing ngô go feh-tao-ts-c'ü.

²⁵ 我忖必要差以巴弗提到爾拉烏碎來。其是我個兄弟，我個幫手，同隊當兵，也做爾拉個差使，又供應我缺少長短。²⁶ 我所以是介差其，因為其是企慕爾拉衆人，大樣愁悶，因為爾拉聽聞其有病。²⁷ 其是生病，差一眼死。只有神明哀憐其；弗單只哀憐其，也哀憐我，省勒我憂上加憂。²⁸ 我所以愈加上緊差其來，使得爾拉看見其又會歡喜，我個憂悶也會癢點。²⁹ 介呢，爾拉在於主該歡歡喜喜接受其；並且用敬重箇種介人。³⁰ 其爲了做基督個事幹是差一眼死，連自個性命都弗顧着，要補足爾拉供應我個弗到之處。

Fl. III.

TSONG-R-YIN-TS, ngô-go hyüong-di, ng-lah dzæ-ü Cü yüong kw'a-lôh. Ngô sia tso-yiang shih-wô peh ng-lah, dzæ ngô m-kao in-væn, ü ng-lah z wëng-tông. ² Yüong kwu-djôh keh-sing ôh-keo, kwu-djôh keh-sing tso fi-li z-ken go, kwu-djôh keh-sing keh-diao bi-nyüoh go. ³ Ah-lah k'ao-djôh Sing-Ling voh-z Jing-ming, dzæ-ü Kyi-toh Yiæ-su kw'ô-k'eo, ih-ngæn feh dzæ-ü nyüoh-sing fông-tæn, tsing z tsiu-keh-li go.

總而言之，我個兄弟，爾拉在於主用快樂。我寫做樣說話撥爾拉，在我嘅告厭煩，於爾拉是穩當。² 用顧着箇星惡狗，顧着箇星做非禮事幹個，顧着箇星割掉皮肉個。³ 阿拉靠着聖靈服侍神明，在於基督耶穌誇口，一眼弗在於肉身放膽，正是周割禮個。

⁴ Ngô feh-jün hao dzæ-ü nyüoh-sing fông-tæn. Ziah-z bih-nying ts'eng k'o-yi dzæ-ü nyüoh-sing fông-tæn, ngô z yü-kô k'o-yi-go: ⁵ ngô di-pah nyih ziu tsiu-keh-li, z Yi-seh-lih-go dzoh-veng, Bin-yüô-ming-go ts-p'a, shü-dæ z-go Hyi-pah-læ nying;

kông-tao lih-fah, z Fah-li-sæ nying; ⁶ kông-tao nyih-sing, z pih-næn kyiao-we go; kông-tao lih-fah-go kong-yi, m-kao hao p'i-bing.

⁴ 我弗然好在於肉身放膽。若是別人忖可以在於肉身放膽，我是愈加可以個。⁵ 我第八日受周割禮，是以色列個族份，便雅憫個支派，世代是個希伯來人；講到律法，是法利賽人；⁶ 講到熱心，是逼難教會個；講到律法個公義，嘸告好批評。

⁷ Dæn-z keh-sing z-ken dzong-zin z ngô-go dzæn-deo, ngô we-leh Kyi-toh yi-kying sön gyi z zih-peng. ⁸ Hwông-ts'ia keh-sing ih-ts'ih-go z-ken ngô yin-dzæ yia sön z zih-peng, we-leh sih-teh ngô-go Cü Kyi-toh Yiæ-su, keh ting iao-kying-go cü-sih; ngô we-leh Kyi-toh yi-kying zih-diao væn-pah z-ken, yia k'en gyi ziang leh-seh ka, s-teh ngô hao dzæn-tsing Kyi-toh, ⁹ yi hao peh ngô sön z dzæ-ü Gyi, feh-z yiu dzong lih-fah ka læ ngô-zi-go kong-yi, z yiu keh we-leh siang-sing Kyi-toh ka læ-go kong-yi, z dzong Jing-ming ka læ, s-peh siang-sing cü-kwu go: ¹⁰ s-teh ngô hao hyiao-teh Gyi, teng Gyi weh-cün-læ-go neng-ken, yi hao teng Gyi-go kw'u-næn dô-kô yiu-veng, z teng Gyi-go si-fah tso-leh ih-yiang siang-mao; ¹¹ 'ôh-tsia hao ken-tao si-nying weh-cün-læ go di-bu.

⁷ 但是箇星事幹從前是我個賺頭，我爲了基督已經算其是蝕本。⁸ 況且箇星一切個事幹我現在也算是蝕本，爲了識得我個主基督耶穌，箇頂要緊個知識；我爲了基督已經蝕掉凡百事幹，也看其像垃圾介，使得我好賺進基督，⁹ 又好撥我算是在於其，弗是有從律法介來我自個公義，是有箇爲了相信基督介來個公義，是從神明介來，賜撥相信主顧個。¹⁰ 使得我好曉得其，等其活轉來個能幹，又好等其個苦難大家有份，是等其個死法做了一樣相貌；¹¹ 或者好趕到死人活轉來個地步。

¹² Bing feh-z ngô yi-kying teh-djôh-de, yia bing feh-z ngô yi-kying djün-be-de: tsih-yiu ngô wa læ-tih tse-zông-ky'i, 'ôh-tsia hao ken-djôh; we-leh ka ngô-zi yia yi-kying peh Kyi-toh Yiæ-su ken-djôh-de. ¹³ Hyüong-di, ngô-zi feh sön z yi-kying ken-djôh-de: tæ'n tso keh ih-yiang, ziu-z feh ky'i kwu pe-'eo-go z-ken, ts'iang-ts'iang zông-zin tse-gyiu min-zin-go z-ken, ¹⁴ ih-dzih ken tao piao-deo di-fông, iao-siang teh-djôh Jing-ming dzæ-ü Kyi-toh Yiæ-su t'in-zông dziao-læ-go eng-sông.

¹² 並弗是我已經得着了，也並弗是我已經全備了。只有我還來的追上去，或者好趕着；爲了介我自也已經撥基督耶穌趕着了。¹³ 兄弟，我自弗算是已經趕着了。單做箇一樣，就是弗去顧背後個事幹，搶搶上前追求面前個事幹，¹⁴ 一直趕到標頭地方，要想得着神明在於基督耶穌天上召來個恩賞。

¹⁵ Ka-ni, ah-lah væn-pah djün-be-go cü-kwu tu kæ dzeng keh-go sing-siang: jü-ko ng-lah yiu soh-go bih-yiang sing-siang, keh-go z-ken Jing-ming tsiang-læ yia we hyin-c'ih peh ng-lah. ¹⁶ Dæn-z ah-lah sô yi-kying tso-tao-go di-bu, kæ i-dzong tso-yiang fah-tseh, kæ dzeng tso-yiang sing-siang.

¹⁵ 介呢，阿拉凡百全備個主顧都該存箇個心想。如果爾拉有啥個別樣心想，箇個事幹神明將來也會顯出撥爾拉。¹⁶ 但是阿拉所已經做到個地步，該依從做樣法則，該存做樣心想。

¹⁷ Hyüong-di, ng-lah yüong dô-kô 'ôh ngô-go yiang, ping-ts'ia yüong k'en keh-sing tsiao ah-lah-go pông-yiang ka tso-go. ¹⁸ (Ing-we yiu hyü-to nying sô tso-go, z ngô le-ts' teng ng-lah wô-ko, yin-dzæ 'en-leh ngæn-li tsæ wô-go, gyi-lah z Kyi-toh jih-z-kô-go dziu-dih: ¹⁹ gyi-go kwe-keng z iao mih-diao; gyi-go jing-ming z zi-go du-bi, we pô zi-go tao-me z-ken sön z yüong-wô; z liu-sing shü-kæn-zông z-t'i go.) ²⁰ Ah-lah-go peng-koh z læ t'in-zông; ah-lah yia tæ-n-teng Kyiu-cü, ziu-z Cü Yiæ-su Kyi-toh, dzong t'in-li ka læ: ²¹ Gyi we yüong Gyi-zi cü-voh væn-veh go do neng-ken, pin-hwô ah-lah pe-zin-go kyi-sing, hao teng Gyi-zi yüong-wô-go kyi-sing tso-leh ih-yiang siang-mao.

¹⁷ 兄弟，爾拉用大家學我個樣，並且用看箇星照阿拉個榜樣介做個。¹⁸ (因為有許多人所做個，是我屢次等爾拉話過，現在含勒眼淚再話個，其拉是基督十字架個仇敵。¹⁹ 其個歸根是要滅掉；其個神明是自個肚皮，會把自個倒霉事幹算是榮華；是留心世間上事體個。) ²⁰ 阿拉個本國是來天上；阿拉也單等救主，就是主耶穌基督，從天裏介來。²¹ 其會用其自制服萬物個大能幹，變化阿拉卑賤個肌身，好等其自榮華個肌身做了一樣相貌。

Fl. IV.

Ka-ni, ngô sô ts'ing-æ ky'i-mo-go hyüong-di, z ngô-go kw'a-lôh teng kwun-min, ngô ts'ing-æ-go, ng-lah dzæ-ü Cü kæ z-ka lih-leh-lao.

介呢，我所親愛企慕個兄弟，是我個快樂等冠冕，我親愛個，爾拉在於主該是介立勒牢。

² Ngô ky'ün Yiu-o-tia, yia ky'ün Jing-tu-kyi, yüong dzæ-ü Cü dzeng tso-yiang sing-siang. ³ Wa-yiu ts'ing ng, jih-we-go te-siu, pông-dzu keh liang-go nyü-nying;

gyi-lah z teng ngô dô-kô c'ih-lih djün foh-ing go; Keh-li-min yia z-ka, wa-yiu ngô yü-to-go pông-siu, gyi-lah ming-z tu sia læ weh-ming shü-li go.

² 我勸友阿爹，也勸循都基，用在於主存做樣心想。³ 還有請爾，實惠個對手，幫助箇兩個女人；其拉是等我大家出力傳福音個；革利免也是介，還有我餘多個幫手，其拉名字都寫來活命書裏個。

⁴ Ng-lah dzæ-ü Cü yüong dzing-t'ong kw'a-lôh: ngô yi wô, Yüong kw'a-lôh. ⁵ Ng-lah 'o-ky'i-go sing hao peh long-tsong nying hyiao-teh. Cü z gying-go. ⁶ Ih-ngæn m-nao zeo-meng; yang-yang yüong tao-kao, gyiu-k'eng, lin coh-zia shih-wô, peh Jing-ming hyiao-teh ng-lah-go sing-nyün: ⁷ z-ka, keh ts'eh-dôh-feh-tao Jing-ming-go bing-en, dzæ-ü Kyi-toh Yiæ-su, we pao-wu ng-lah-go sing teng nyiæn-deo.

⁴ 爾拉在於主用長通快樂。我又話，用快樂。⁵ 爾拉和氣個心好撥攏總人曉得。主是近個。⁶ 一眼嚙得好愁悶；樣樣用禱告，求懇，連祝謝說話，撥神明曉得爾拉個心願。⁷ 是介，箇測度弗到神明個平安，在於基督耶穌，會保護爾拉個心等念頭。

⁸ TSONG-R-YIN-TS, hyüong-di, væn-pah dzing-jih-go z-ken, ^[1]tön-tsing-go z-ken, kong-bing-go z-ken, ts'ing-kyih-go z-ken, k'o-æ-go z-ken, t'i-min-go z-ken, dza-go yiu teh-ky'i, dza-go yiu tsæn-me, keh-sing ng-lah tu yüong s-ts'eng. ⁹ Ng-lah læ ngô u-sen sô 'ôh-jih, sô tsih-ziu, sô t'ing-meng, sô k'en-kyin-go z-ken, tu yüong ky'i tso: keh bing-en-go Jing-ming ziu we teng ng-lah dô-kô læ-tong.

⁸ 總而言之，兄弟，凡百誠實個事幹，端正個^[1]事幹，公平個事幹，清潔個事幹，可愛個事幹，體面個事幹，咋個有德氣，咋個有讚美，箇星爾拉都用思忖。⁹ 爾拉來我烏碎所學習，所接受，所聽聞，所看見個事幹，都用去做。箇平安個神明就會等爾拉大家來東。

[1] 'Ôh wô, kwe-kyü-go. 或話，規矩個。（原註）

¹⁰ Ngô dzæ-ü Cü do-nyiang hwun-hyi, ing-we ng-lah s-nyiæn ngô go sing-siang yi fah-c'ih-læ: ng-lah nyün-z *su-djông* yiu keh-go sing-siang, tsih-z p'ong-feh-djôh kyi-we. ¹¹ Ngô bing-fi we-leh ky'üih-siao-go yün-kwu ka kông: ing-we feh-leng soh-go z-ken tu cü-tsoh, keh z ngô yi-kying 'ôh-tao-de. ¹² Tso-nying bing-dzin, tso-nying fu-tsoh, ngô tu hyiao-teh-go; feh-leng soh-go *di-fông*, feh-leng soh-go z-ken, 'ôh-tsia ky'üoh-pao, 'ôh-tsia du-kyi, 'ôh-tsia yiu-yü, 'ôh-tsia feh tsoh, ngô tu 'ôh-jih-ko-de. ¹³ Z Kyi-toh kô ngô lih-liang, dzæ-ü Gyi ngô yang-yang z-ken tu neng-keo tso. ¹⁴ Se-tsih z-ka, ngô wæn-næn z-'eo ng-lah kong-ing ngô, yia z tso-leh hao-go.

¹⁰ 我在於主大樣歡喜，因為爾拉思念我個心想又發出來。爾拉原是素常有箇個心想，只是碰弗着機會。¹¹ 我並非爲了缺少個緣故介講。因為弗論啥個事幹都知足，箇是我已經學到了。¹² 做人貧賤，做人富足，我都曉得個；弗論啥個地方，弗論啥個事幹，或者喫飽，或者肚飢，或者有餘，或者弗足，我都學習過了。¹³ 是基督加我力量，在於其我樣樣事幹都能夠做。¹⁴ 雖即是介，我患難時候爾拉供應我，也是做勒好個。

¹⁵ Ng-lah Fi-lih-pi nying yia hyiao-teh, djün foh-ing ky'i-deo, ngô tseo-c'ih Mô-gyi-teng z-'eo, kông-tao do-c'ih siu-tsing-go z-ken, tsih-yiu ng-lah, m̃-teh bih-go kyiao-we, læ kong-ing ngô: ¹⁶ ziu-z ngô læ T'iah-sah-lo-nyi-kyüô z-'eo, ng-lah feh-ts ih-tsao, yiu liang-tsao, ts'a nying læ pu ngô ky'üih-siao. ¹⁷ Ngô bing feh-z siang ng-lah-go li-veh; tsih siang ko-ts to, hao kwe peh ng-lah-go ming-'ô. ¹⁸ Væn-pah tong-si ngô ts'iah-ts'iah yiu-yü; ngô dzong Yi-pô-feh-di tsih-ziu ng-lah-go li-veh, z Jing-ming sô tsih-ziu sô hwun-hyi p'eng-hyang-go tsi-veh, næn-kæn ngô sing tsoh-de. ¹⁹ Dæn-z ngô-go Jing-ming tsiao Gyi-zi yüong-wô-go fu-tsoh dzæ-ü Kyi-toh Yiæ-su we pu-tsoh ng-lah yang-yang ky'üih-siao-dziang-tön. ²⁰ Dæn-nyün yüong-wô tao shü-shü-dæ-dæ kwe peh Jing-ming ah-lah T'in-Vu. Üô-meng.

¹⁵ 爾拉腓立比人也曉得，傳福音起頭，我走出馬其頓時候，講到馱出收進個事幹，只有爾拉，曉得別個教會，來供應我。¹⁶ 就是我來帖撒羅尼迦時候，爾拉弗止一遭，有兩遭，差人來補我缺少。¹⁷ 我並非是想爾拉個禮物；只想果子多，好歸撥爾拉個名下。¹⁸ 凡百東西我綽綽有餘；我從以巴弗提接受爾拉個禮物，是神明所接受所歡喜噴香個祭物，難間我心足了。¹⁹ 但是我個神明照其自榮華個富足在於基督耶穌會補足爾拉樣樣缺少長短。²⁰ 但願榮華到世世代代歸撥神明阿拉天父。亞們。

³¹ Keh-sing dzæ-ü Kyi-toh Yiæ-su ko-tang-ko sing-du, ng-lah tu yüong mông-mông gyi. Teng ngô dô-kô læ-tong keh-sing hyüong-di tu mông-mông ng-lah. ²² Cong sing-du iao mông-mông ng-lah: Kæ-sah keh-kô li-hyang go sing-du yü-kô iao mông-mông ng-lah.

²¹ 箇星在於基督耶穌個打個聖徒，爾拉都用望望其。等我大家來東箇星兄弟都望望爾拉。²² 衆聖徒要望望爾拉。該撒箇家裏向個聖徒愈加要望望爾拉。

²³ Dæn-nyün ah-lah Cü Yiæ-su Kyi-toh-go eng-we teng ng-lah cong-nying dô-kô læ-tong. Üô-meng.

²³ 但願阿拉主耶穌基督個恩惠等爾拉衆人大家來東。亞們。